

Silaannarsuarmi mingutsitsineq 2011


Nunatta 2011-mi gassimik silaannaarmik kissattoortitsisussamik aniatitsinera CO₂-mut assingusoq tamakkiisumik 763.827 tonsi-uvoq. Tamannalu 1990-mi aniatitsinermut naleqqiullugu 15,8 procentimik annertuneruvoq 2010-milu aniatitsinermut naleqqiullugu 6,4 procentimik annertunerulluni. Aniatitsinerup ataatsimut 95 procentiata missinga nukimmik atuinermut pinngorpoq

Tamanna saqqummersitami ”Silaannarsuarmi mingutsitsineq 2011”, Kalaallit Nunaanni Naatsorsueqqissaartarfiup saqqummiuteqqammisaani takuneqarsinnaavoq. Saqqummersitaq Naatsorsueqqissaartarfiup nittartagaa www.stat.gl iserfigalugu atuarneqarsinnaavoq pdf fiilitullu aaneqarsinnaalluni.

Siornatigumit aniatitsineq aatsaat taamak annertutigisoq

Nunarpit 2011-mi naatsorsuinikkut 763.827 tonsimik CO₂-mut assingusumik gassimik silaannarmik kissattoortitsisussamik aniatitsisimavoq. Siornatigumit aniatitsineq aatsaat taama annertutigivoq, tassalu 2010-miit 6,4 procentimik annertuseriarnerulluni. Aniatitsinerup annertunerpartaa nukinnik atuinikkut pivoq. Tassalu 2011-mi nunap iluaneersunik gasuuliamik, petruuliumik atuinernerup gassimik silaannarmik kissattoortitsisussamik aniatitsinerup tamar-miusup 94,8 procenteraa, titartagaq 1 malillugu.

Titartagaq 1. 1990-miit 2011-mut gassimik silaannarmik kissattoortitsisussamik aniatitsineq



Najoqqutaq. Kalaallit Nunaanni Naatsorsueqqissartarfik Kisitsisaataasivia, <http://bank.stat.gl/ENN1EM1>

Nukinnik atuinikkut aniatitsineq annertusiartortoq

2011-mi nukinnik atuinikkut gassimik silaannarmik kissattoortitsisussamik aniatitsineq tamarmiusoq CO₂-mut assingusoq 724.434 tonsi pinngorpoq. 2010-mi aniatitsinermut naleqqiullugu aniatitsineq 6,9 procentimik annertuneruvoq. Taamaalilluni aniatitsineq ukiup aappassaa annertugisassaa-

sumik annertuseriarpoq. Annertuseriarneq uuliasiornikkut gasuuliamik annertunerusumik atuineramik peqquteqarpoq.

*Allanik atuinertigut
aniatitsineq
allanngoranngitsoq*

2011-mi allatigut gassimik silaannarmik kissattoortitsisussamik aniatitsineq nukimmik atuiffiunngitsoq tamarmiusoq CO₂-mut assingusoq 39.393 tonsi-uvoq. Ataatsimut aniatitsinerup 5,2 procenteralugu. Allatigut aniatitsinerit nukimmik atuiffiunngitsut tassaapput suliffissuaqarnermi atortussiassat kemiimi akulerunnerisigut pinngortoq, eqqakkanik aqutsinikkut pinngortoq, nunalerinikkut pinngortoq, arrorsaatinis sanaartukkanillu pinngortoq aamma kemikaaliatigut taamatullu nunatamik atuinikkut pinngortoq. Taaneqartutigut aniatitsineq ukiumiit ukiumut allanngorartuunngilaq annikitsua-raarnarmilli annertusiartorpoq.

Sukumiisumik paasissutissat annertunerusut bank.stat.gl iserfigalugu Kisitsisaataa-sivimmi nassaarineqarsinnaapput.

Paasissutissanik annertunerusunik kissaateqartoqaruni Naatsorsueqqissaartarfiup pisortaa Anders Blaabjerg oqarasuaat 34 57 81 (toqqaannartoq) atorlugu saaffigine-qarsinnaavoq.

Inussiarnersumik inuulluaqqusillunga

Anders Blaabjerg,
Naatsorsueqqissaartarfiup pisortaa

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse

Lene Baunbæk

E-mail: LEBA@stat.gl

Nukimmik atuineq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

